



Laerskool KENRIDGE Primary School

Van Riebeecklaan / Van Riebeeck Avenue, KENRIDGE, 7550 | Tel: 021 976 3046/7 | Fax/Faks: 021 975 1312
www.kenridgeprimary.co.za

Every child *Every chance* Every day | *Elke kind* Elke kans *Elke dag* | *Wonke umntwana* *Lonke ixesha* Yonke imihla

11 Januarie 2017

Geagte Ouers

BORGSKAP-GELEENTHEDE - 2017

Welkom terug by die skool. Ons vertrou dat u almal 'n rustige vakansie met u families gehad het.

Ons wil van hierdie geleentheid gebruik maak om u in te lig oor verskeie borgskap-geleenthede wat by ons skool beskikbaar is.

Kultuur / kuns / musiek

Ons skool bied 'n groot verskeidenheid kulturele geleenthede aan ons leerders en daar is baie maniere waarop u betrokke kan raak. Ons kuns- en musiekdepartemente hou gereeld konserte, wat baie besoekers na ons skool toe lok. Ons tweede Madd-fees word vanjaar gehou, en dit is 'n wonderlike advertensie geleentheid vir een of twee borge.

Toekennings vir Akademiese, Sport en Kulturele Prestige-aande

Ons drie belangrikste prestige-aande, naamlik die Kultuur Prestige-aand, Sport Prestige-aand en Akademiese Prestige-aand, vind aan die einde van die vierde kwartaal plaas. By elkeen van hierdie prestige-aande ontvang leerders toekennings, soos byvoorbeeld medaljes en klein trofeë. By elkeen van hierdie aande ken die skool 'n aantal spesiale trofeë toe en soms moet 'n nuwe trofee aangekoop word. Hierdie aande bied 'n wonderlike geleentheid vir besighede of individue om deur middel van die borg van medaljes of trofeë, betrokke te raak.

Skoolgeleenthede wat geborg kan word

Laerskool Kenridge bied die volgende geleenthede gedurende skoolure aan en alle leerders moet daaraan deelneem:

- Grondslagfase gala
- Interhuis landloop
- Interhuis atletiek

Daar is baie geleenthede om medaljes, voorbeelde van produkte of selfs 'n hele funksie te borg.

Borg van sportspanne / sportklinieke

By Laerskool Kenridge is deelname aan 'n sportsoort, ongeag die span waarin die leerder speel, baie belangrik. Ons bied baie geleenthede vir maatskappye om verskeie sportspanne, toere en klinieke te borg en dit is 'n wonderlike manier om blootstelling in die omgewing te kry.

Geborgde gazebo's

Hierdie gazebo's sal vir baie skoolaangeleenthede gebruik word, insluitend galas, sportwedstryde (bv. hokkie, rugby en krieket), fondsinsamelings (bv. Pretstap en OOV-speletjiesdag), atletiekbyeenkomstes, ens. en bied 'n wonderlike bemerkingsgeleentheid. Die naam / logo van u maatskappy word aan die een kant van elke gazebo gedruk, en Laerskool Kenridge aan die ander kant.

Advertensie-driehoeke wat op sportvelde gebruik kan word

Advertensie-driehoeke skep die geleentheid vir u om te adverteer en deurlopende blootstelling te kry. Albei kante van die advertensie-driehoeke sal die naam van u maatskappy ten toon stel. Daar word gemiddeld vier dae per week wedstryde op die velde gespeel en dit bied dus fantastiese blootstelling aan 'n wydverspreide kliëntebasis.

Skooltoerusting

Ons het 'n lys van items wat ons graag wil aankoop en sal enige bydrae of toerusting wat ons nodig het, verwelkom.

Indien u besigheid betrokke wil raak by enige van hierdie geleenthede of aktiwiteite of as u enige verdere inligting benodig, stuur asseblief 'n e-pos aan kim.friedrich@kenridge.org.za. Neem ook asseblief kennis dat alle donasies / borgskappe wat deur u maatskappy gemaak word, ook van belasting verhaalbaar is. Ons is gemagtig om 'n Seksie 18A-vorm uit te reik indien u dit sou verlang.

Baie dankie vir u ondersteuning.

Die uwe

K. Friedrich (Mev.)

Bestuurder van Borgskappe

S. R. Smith (Mev.)

Skoolhoof

